



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

S. Dorothea. 6. Februarii.

[urn:nbn:de:hbz:466:1-62968](#)

alter blandè & cuniculis , alter palam & apertâ vi aggreditur ! Quàm difficile , inquam , cùm etiana corpus nostrum , allectum blanditiis & deliciis voluptatum , partes illicè suscipiat . Quid ageres si constantia tua deliciarum illecebris , & Tyrannorum minis tentaretur ? tu ? qui tuam salutem breviori voluptati toties postponis ?

3. Angelis puritate par fuit, imò , juxta sanctum Ambrosium , superior ; hominibus quippe fortiter pugnandum , ut illibatam servent castitatem , non item Angelis , qui ab omni concretione corporis sejuncti sunt , Ut puritatis thesaurum servemus , S. Agathæ ; & Angelorum exemplo , Deum præsentem semper cogitemus , semper obsequamur ejus voluntati , & spretis , quantum fieri potest , voluptatibus , cælestes delicias exequamur . Differunt quidem homo pudicus & Angelus , sed felicitate , non virtute , illius castitas felicior , hujus fortior esse cognoscitur . Amb.

S. DOROTHEA.

6. Februarii.

Quis ergo nos separabit à Charitate Christi ? tribulatio ? an angustia ? an nuditas ? an periculum ? an persecutio ? an gladius ?

S. Paulus ad Rom. cap. 8.

DOROT-

DOROTHEA Cæsareæ pro Christo captiva, captivos in triumphum Cupidinem & Tyrannidem duxit. Expugnanda enim binis sororibus tradita, quæ datam DEO fidem prodiderant, tam fortiter decertavit, ut ambas ab impiis castris ad antiquam fidei stationem redire compulerit; & hæ quidem proditionis crimen sanguine exonerarunt; ipsa vero victorias victoriis percepit necesse, cruentas illas quidem, sed gloriae plenas, ut quæ sciret nullam tam Sponsi Christi placere Virginem, quam quæ suæ non alienâ ruberet purpurâ. Itaque cum facies lateri admoverentur, has illa nuptiales rædas credere; cum ad gladium citaretur, velut ad thalamum properare; inter lictores quasi paranympchos obambulare; ad supplicii deniq; locum ut melioris cæli horotos ridere. Irrisit tam innocentem risum Theophilus quispiam, & è Sponsi viridariis aut rosam sibi vernam, aut Autumni munus, pomum, Virginem poposcit. Promisit utrumque DOROTHEA, fidemque vix ingressa Elysios campos extemplo liberavit. Adest lectissimus cælo Ephebus, & promisum Theophilo, eodem in calatho, Ver & Autumnum offert. Miratur ille in hyeme rosas

rosas non flaccidas, miratur poma non mardida , miratur certantem cum munere suo muneris bajulum , & jam non contentus vidisse horti munera , ad ipsos hortos Christianus per omnia tormenta penetrare contendit, quæ quidem ille ut spinas generosè calcavit, dum animo volveret, quales rosas quæreret. Ex Surio.

M E D I T A T I O

De castitate rosâ adumbratâ.

Intuere rosas , quas Angelus attulit Dorothex , & tria in his deprehendes castitatis præsidia . 1. Rubeus Rosæ color pudorem exprimit , sine quo castitatis citò marcescit decor. Vis castus esse ? Pudorem habe , ac verecundiam ; verecundus oris pudor impedit, quò minus hostis ad cor pertingat, Fuge loca, ubi audiuntur , ac videntur ea, quæ lădunt puritatem , atq; vultum pudicum etiam minimo rubore suffundunt,

2. Rosa cingitur spinis , quibus ipsa nobiles pariter ac ignobiles , divites ac inopes pungit. Hinc discat Virgo singulari modestiâ & quadam severitate mollioris & solutioris vitæ homines longè à se repellere. Nunquam indulgenter patiatur dicentem , aut facientem , quod castitati vel minimum repugnet. Ad hæc spinis , hoc est mortificatione , cor , & corpus suum vallet , nam fieri nequit , ut quis in castitate diu perseveret sine mortificatione.

3. Hæc Rosa in cælum spectat, quasi significet
omnem suam pulchritudinem, & omnem suam a-
morem cælo se penitus consecrâisse, à quo nimis
sperat vitalem tum calorem, tum humorem, Quis
quis amat castitatem, propriis viribus diffidat ne-
cessere est, & precibus assiduis petat hunc cæli flo-
rem; Parum enim aut nihil proderunt diligentia, &
asperitas vitez, nisi accedat benignitas Dei. Cùm
virgines suam Christo voverunt virginitatem, solū
Deum respicere, solī Deo placere, solum Deum
amare debent. *Virgines nulli placere studeant, nisi Do-
mino, à quo præmium exspectant virginitatis.* Cyp.

S. ROMUALDUS.

7 Februarii.

*Vigilate & orate, ut non intretis in
tentationem: nam spiritus prom-
ptus est, caro autem infirma.*

S. Marc. cap. 14.

S. Romualdus Ravennæ ex illustrissima
Ducum stirpe progenitus ad lubricam
juventutis viam à teneris licet proclivis,
mente tamen Deo devotus sese ad majora
tentabat erigere. Et dum feras in sylvis per-
sequitur, amorem venatur solitudinis. An-
tequam verò mundum vinceret, urgente
Patre